

SANITÉ: En sostituziun dla doturia Grete Mahlkecht él
- dai 1 ai 5 d'agost le dotur Eduard Agreiter che fej sorvisc ti orars y ti ambulatori de d'èl instès (tel. 333 13 80 852)
- y dai 8 ai 12 d'agost le dotur Aldo Marcocci che vègn tl ambulatorio dla doturia Grete Mahlkecht a San Martin: en lönesc dales 10.00 ales 12.00, en dedolönesc dales 16.00 ales 19.00, en jöbia dales 9.00 ales 11.00.
Por le rest dl tēp él da abiné por tel. 338 72 80 518.

PLOANIES DA SAN MARTIN Y DA LUNGIARÜ

Cörs dla Val Badia: Stimada comunité. Ti ultimi mëisc él dër chersciü i cosc te n gröm de seturs primars dla vita: mangiaria, scialdé, forza eletrica, benzin y d'ater. Tan che cotan de families n'é nia plü bunes da fá frunt a dötes les spëises. Le proiet "Cörs dla Val Badia" ó ti sté dlungia, y chël podunse ma fá cun osc aiüt. Sc'i l'aratëis de valüta, periunse bel do na spëhora, che'i podëis fá sön le cunt IBAN: IT29V 08010 58180 000302018519 . Danfora bel dilan.

SAN MARTIN

Düc é bel invia ala devoziun a San Germano en vëndres dan mëssa por perié che Chël Bel Dî nes mantëgnes i bosc.

En jöbia ai 04 d'agost dales 17.00 inant vëgnel sié la cortina. Da bur tēp le vëndres. Chi che vëgn a daidé, dess denant cherdé sô Leo 348 40 96 351

Conzert da d'isté dla Musiga da San Martin en dedemesaledema ai 3 d'agost dales 21.00 sön plaza dla scora a Lungiarü. Düc é bel invia da gní al conzert.

Le Sorvisc ai Jogn pïta, en colauraziun cun l'Istitut Ladin Micurá de Rû, dai 22 ai 26 d'agost n „Curs por s'arjigné ca al ejam de trilinguism“. Tó pert pó vigni jonn y vigni jona da 16 a 30 agn. L'orar é tres dales 19.30 ales 21.00 y le cost é de 20 €. Iscriziuns cina ai 15 d'agost sot a www.proiec.org

En vëndres ai 5 d'agost dales 21.00 vëgnel proieté tla Val dl Ert a San Martin le film "Le significat dla belëza: ert y sciënza tl CERN" de Valerio Jalongo. Al vëgn presenté cun images y intervistes l'archirida scientifica plü atuala tl CERN de Ginevra. <https://www.officineubu.com/film/il-senso-dellabellezza/>

Döt le bun a chi che complësc i agn d'agost

San Martin Frida Burchia Ferdigg che nen complësc 89 ai 3
Clara Vanzi Zingerle che nen complësc 89 ai 5
Clara Planatscher che nen complësc 84 ai 11
Ludwig Rungger che nen complësc 80 ai 13

Lungiarü Maria Ploner Planatscher che nen compl. 85 ai 15
Linert Clara che nen complësc 85 ai 18



Plata dles Ploanies San Martin y Lungiarü

ploan siur Klaus Sottas 344 15 54 055 - ksottas@rolmail.net
curat siur Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194



<https://www.valbadiaonline.it>

31.07. - 07.08.22 nr. 36

ultimo termo por comunicaziuns: jöbia, dales 20.00

18ª DOMÈNIA IA POR L'ANN C

Vangele do Lûca 12,13-21

Gejú ti â dit ala jënt: Metede averda, stravardësse da vigni sort de ingordia. Y al ti á cunté chësc ejëmpl: I ciampoprà de n ël rich â porté dër tröp. Y al ponsâ sura: Cî dëssi pa fa? I ne sa nia co ch'i dess abiné ite döta la racoiüda. Inultima àl dit: I ô la tó insciö: I tirarà jö mies majuns y nen fajarà de maius; dailò abinarài ite döta mia blâ y mies provijiuns. Spo podarài me dî: Sëgn aste tan tröp da na pert ch'al arjunj por tröc agn. Palsa fora, mangia y bër, y gôdete la vita! Dailò ti à Idî dit: Tö mat! Ciamò en chësta nôt ghiraran derevers da tè la vita. De chë saral pa spo döt ci che t'as abiné? Insciö ti vara a vignun che abina mâ tesurs por sè instës, mo che n'é nia rich dan da Idî.



Chël paur n'é dessigü nia n avarun y n sfrutadú, mo ti edli de Chël Bel Dî, dij Gejú, él n mat. Deache te sü fistidi por le dagní s'al desmentí che na buna vita é val' deplü co ma avëi les majuns plënes. Suranôt pó te n iade jí döt ademal y spo él anfat tan bun y sapiënt ch'al á investí. Ester ric é ti edli de Dî döt val' d'ater.

Do avëi aldí chësc vangele orunse se damané:

Ci pascentëia pa pordërt mia anima?

Na pert dla resposta podessun ciafé sc'i sun bugn da ne strité nia por l'arpejun.

Ciodiche da chësta chestiun pëia ince ia la parabola de Gejú.

Tan bel ch'al foss sce mi fre y mia so ne foss nia mi nemisc.

Sc'i se recordassun deboriada dl amur y di fistidi di geniturs

che nes á lascé indô l'arpejun.

Sc'ara ne se tratass nia da abiné adöm scioldi, mo de momënc da se sté saurí.

I me toli dant da investí indertöra.

Imaje

EDEMA	SAN MARTIN	LUNGIARÜ	 I periun do l'intenziun dl Papa tl mëis d'agost Por les aziëndes, piceres y mesanes, ch'ares ciafes amesa les crises economiches y soziales trus da suravire y da jí inant y da podëi ester a sorvisc te sües comunités.  Tla batalia cuntra la fan él vigni spënorà che dëida da stravardé families tl'Arfrica dala fan y dal sfrutamënt. - cun 11 euro al mëis ti vëgnel dé a mituns dala meseria vigni de na marëna cialda - cun 25 euro ciafa na familia da paur somënzes y insciö la basa por na racoiüda che tleca da vire - cun 45 euro ciafa na gran familia tl'Africa mangiaria por n mëis - cun 100 euro sciafiel da gní metü 20 m de condüta dal'ega. Insciö él families che ciafa ega nëta - cun 240 euro pó na uma daurí na picia botëga te n paisc. Chësc ti garantësc a süa familia da vire y insciö la forniziun söl post de alimentars y de d'ater patüc. Don dant la rajun "Hunger in Afrika" pón daidé la jënt tl'Africa cun na spënorà ala Caritas Diözese Bozen Brixen, Balsan, Sparkassenstr. 1, cod.fisc. 80003290212, Raiffeisen Landesbank IBAN: IT42F0349311600000300200018 BIC: RZSBIT2B
31.07.22 18ª Domënia ia por l'ann C <i>Ignaze da Loyola</i>	9.00 Corona por + Ida Rubatscher Erl. 9.30 Gran Mëssa por la Comunità 2ª de sopolt. de Ida Rubatscher Erlacher de rengr. fam. Paul y Valeria Pedevilla + Pire Unterweger Oferta por la fan Benedisciun dl tëmp	7.50 Corona 8.15 Gran Mëssa por la comunité Oferta por la fan Benedisciun dl tëmp 15.00 Corona tla capela S. Ojöp Fr.	
01.08.22 Lönesc <i>Fonjo da Liguori, Pire Faber,</i>	7.30 Mëssa a Picolin (don Francesco) + Iarone Rubatscher		
02.08.22 Dedolönesc <i>Eujeb, Pire J. Eymard</i>	19.00 Mëssa + Ida Dariz		
03.08.22 Dedemesaledema <i>Lidia, Benno</i>	7.30 Mëssa a Picolin (don Francesco) + + de fam. Tavella de Cëch	7.30 Mëssa defunc familiars Paratscha	
04.08.22 Jöbia <i>Jan Maria Vianney (curat d'Ars)</i>	8.00 Mëssa sö Frëina vis y def. fam. Bino y Gemma Verginer		
05.08.22 Pröm vëndres <i>Santa Maria dala Nëi, Oswald</i>	domisdé: Provijiun di amará 18.30 Devoziun a San Germano por la sanité di bosć 19.00 Mëssa + Dorotea Prousch Gasser (dl ann)	7.00 Adoraziun 7.30 Mëssa + + Pire y Anna Pezzei danmisdé: Provijiun di amará	
06.08.22 Sabeda <i>Trasfiguraziun dl Signur</i>	20.00 Mëssa prefestia 3ª de sopolt. de Ida Rubatscher Erlacher + Sepl Flöss, D'Arzó	18.30 Mëssa prefestia + + Zilia y Franz Pezzei, Ghestan vis y def. de Albina Pezzei + Emilia Frenes dl ann + + Gabriel y Teodolinda Clara	
07.08.22 19ª Domënia ia por l'ann C Domënia dla Porziuncula	9.00 Corona do vocaziuns 9.30 Gran Mëssa por la Comunità en onú de San Francësch d'Assisi en onú de sanc Arcagnui y Agnui Custodi + + geniturs Prousch-Perathoner Benedisciun dl tëmp	7.50 Corona 8.15 Gran Mëssa por la comunité Benedisciun dl tëmp 15.00 Corona tla capela S. Ojöp Fr.	